

産科發蒙

三卷

片倉元固著

ヤ 9
1135
2



29
1135
2

醫學質驗五種產科發蒙二卷目錄

妊娠欬嗽第一 首頁

潤肺湯

小青龍湯

東隣飲

百合散

濟生百合散

山查飲

百花散

子癇第二 三頁

葛根湯

藎合香圓

單兵散

鐵砂三黃湯

妙功救命散

柴胡鐵繡湯

雙神元

解毒雄黃圓

醫學質驗

產科發蒙二卷目錄 一

靜儉堂



91-1970

妊娠過期不產第三 六頁

虞搏經驗方 武之望經驗方

妊娠頭仆失踞胎動第四 七頁

大阿膠湯 和榮湯 蟹爪湯

妊娠嘔吐第五 八頁

半附理中湯 二生湯 驢耳飲

消導飲 旋覆半夏湯 四聖飲

妊娠小便不利第六 十頁

腎氣丸 開閉術 開腠煎

冬葵子散 澤瀉湯

妊娠浮腫第七 十一頁

木通散 防己散 雙全散

全生白朮散 分心氣飲 澤瀉散

妊娠腹內鍾鳴第八 十四頁

半產第九 治驗一道附十四頁

救生湯 益母飲 大黃牡丹湯

桂枝茯苓當歸湯 還元煎

妊娠淋疾第十 十六頁

地層大黃湯 葵子蜀黍湯 芡苡湯

妊娠澹泄第十一 十八頁 治驗一道附

真武湯 治中湯 胃苓湯

九物飲 內消散 四神丸

茱萸斷下丸

妊娠痢疾第十二 二十頁

五味蕩滯飲 七味蕩滯飲 八味蕩滯飲

四寶丹 膏腸煎 益榮蕩滯飲

逆挽湯 葛根湯 桂附理中湯

如神丸 黃連厚朴湯 蘘蒜丸

臍燥第十三

淡竹茹湯 震靈散

妊娠數墮胎第十四 二十五頁

補天手飲 黃耆散 白朮圓

山藥丸 加味四物湯 千金保孕湯

大黃茯苓丸 應効丹

妊娠心腹腰背脇痛第十五 二十八頁

胎前後心痛方 茯苓厚朴湯 白朮湯

當歸芍藥散

芎藭當歸湯

草豆蔻散

當歸散

杜仲散

秘方鹿角散

阿膠散

妊娠誤服毒藥傷動胎氣第十六 三十頁

奪命圓

醫學質驗五種產科發蒙二卷

義集

紀州谷井敬英世昌

相州片倉元周深甫著

門人土州源

周願博卿全校

相州伊達周禎子祥

○妊娠欬嗽第一

妊娠咳嗽所感未審宜用潤肺湯此方局中咳嗽之套劑也若感風寒喘嗽者宜小青龍湯腹中弔疼喉音不清者東隣飲嗽心胸不利者錦囊百合散若嗽久不止痰喘滿悶者濟生百合散飲食失節脾氣不利肺人有客邪嗽吐

痰與食俱出者以山檀飲加伏龍肝足成十品同煎功效尤勝局中諸嗽措劑外宜兼用百花散嘗試有奇効
潤肺湯 家方 治胎婦喘咳

芎藭 炒阿膠 縮砂 各一錢 烏梅 生姜 紫蘓

杏仁 各五分 右水煎溫服

小青龍湯

麻黃 中芍藥中桂枝中乾姜中細辛中甘草下半夏上
五味子 上 每服四錢以水二合煮取一合溫服

東隣飲 治妊娠傷風咳嗽腹中疝疼痰壅喉音不清

頭運目眩

人參 白朮 陳皮 貝母 茯苓 桔梗

紫蘓 黃芩 前胡 粉草 桑白皮 各等分

右水煎溫服 生生子製此方治東隣妻予取之常用姑名曰東隣

百合散 錦囊 治妊娠咳嗽心胸不利煩滿不食胎動不安

百合 紫苑 麥冬 桔梗 桑白皮 各一兩 甘草 五錢

竹茹 一團

每服八錢水煎去滓入蜜半匙再煎一二沸食後溫服

濟生百合散 治妊娠風壅咳嗽痰喘滿悶

百合蒸紫苑洗貝母去心白芍藥 前胡去芦

赤茯苓去皮 桔梗去芦炒 甘草炙五

右每服四錢水一盞姜五片煎至八分去滓温服不拘

時

山查飲 治咳嗽連聲吐痰與食俱出者

山查子上半夏上茯苓上木香中枳殼中

陳皮中杏仁上細辛中甘草下

每服四錢生薑五片水煎温服

百花散 治婦人產中欬嗽

黃蘗 桑白皮用蜜塗煨火炙黃色為度 二味各等分為細末每服一二錢水一盞入糯米二十粒同煎至六分以欬冬花燒灰六錢攪在藥內同調温服之

○子癇第二

妊娠忽呼吸息迫痰涎潮搐目吊口噤角弓反張不省人事乍醒乍發又或仍不醒謂之子癇一名子冒又號症病號風症並外臺此症古論為風寒相搏發者以葛根湯羚羊角散主之然而試之取效甚寡而產論及翼論此病曰七情鬱結內火煽盛之所致也又平日多妬夫妻反目怒火

熾盛因發此病其治法則一味熊膽參連湯第二和劑湯
第五和劑湯及救癇術是也此與古論遠而實有奇効余
亦別有發明凡此症已發則牙關緊閉不能灌藥雖施救
癇術尚口不開者須以蘓合香圓熊膽各五六分溫湯化
開乃以曲頭管入患者口內沿齒進頰裏至牙齒盡處斜
入管頭曲處於上下齦間右手持其管左手取前藥汁自
含之自管之下口吹入患者之咽中吹盡一劑而牙關立
開尋將單兵散一錢熊膽二三分姜汁湯和調頻與之更
用鉄砂三黃湯若喉間喘鳴甚者兼用妙功救命散尤妙

此余之所經驗也又有柴胡鐵繡湯雙神元雄黃解毒圓
等奇方臨症宜擇用焉此病雖謂子癇非胎離橫骨迫心
也蓋癥疝癖積鬱怒虻蟲等宿病因胎長大偶相激發者
也故其胎臨產門而攻心下之狀正與脚氣衝心及癩疾
發作之候不異今熊膽合蘓合香圓而用之者則假其芬
芳香竄氣以開鬱閉通壅塞彼能導能膽而折攻心之邪
勢也較單用能膽者其効甚捷曲頭管圖見六卷
葛根湯小品方療妊娠臨月因風症忽悶憤不識人吐逆眩
倒小醒復發名為子癇

葛根 貝母去心 木防已 防風 當歸

川芎 茯苓 桂心 澤瀉 甘草各中

獨活 石膏碎 人參各上

右以水三盞煮取一盞服貝母令人易產若未臨月者

升麻代之忌海藻菘菜酸物

羚羊角散濟生方此方見諸方書今不載 參連湯 第二和劑湯

第五和劑湯 救癩術並見產論翼今不載

蘓合香圓局方 療傳屍骨蒸殭瘖肺痿疰鬼氣卒心痛

霍亂吐利時氣鬼魅瘴癘赤白暴痢瘀血月閉痿癱丁

腫驚癇鬼忤中人小兒吐乳大人狐狸等疾

蘓合油入安息香膏內 薰陸別研 龍腦研各二 白朮

青木香 丁子 白檀 朱砂研水

烏犀角 香附 沉香 草撥

安息香研為末用無灰酒一合熬膏 麝香 訶黎勒煨各五

右為細末入研藥勻用安息香並煉白蜜和劑每服旋

圓如梧子大并花水溫冷任意化服四拆原方分兩而便調劑

單兵散 治脚氣衝心神方假以治子癇

檳榔子一味極細末每服一二錢姜汁或童便和服

鐵砂三黃湯

治肝鬱盛怒氣逆躁擾或不省人事

鐵砂上

大黃

黃連

黃芩各中

右以水一盞半煮取一盞溫服

妙功救命散

治痰涎壅盛咽喉鋸聲角弓反張

鹿角灰四錢

牛膽二錢

麝香三分

右鹿角極研以牛膽水化開灌前末攪和日晒乾入麝

香再研細貯錫器聽用

柴胡鐵繡湯

治癇症

柴胡上

鐵繡上

人參中

茯苓中

桂枝中

蔚金中

牡蛎中

大黃中

甘草下

右水煎溫服

雙神元

治子癇神驗不可具述可秘可秘

牛膽南星八錢

鷄冠雄黃四錢

右二味極細末煉蜜丸如梧桐子大每服五十粒白湯

送下

解毒雄黃圓

熊宗立

治婦人中風卒然倒仆牙關緊急角弓

反張口禁不識人并解上膈壅熱痰涎咽喉腫閉

蔚金

雄黃

各二錢

巴豆

去皮油

右為末醋煮糊丸，菉豆大，每服七圓，熱茶清吞下，吐出頑涎立甦。

○妊娠過期不產第三

妊娠過期而不產者，虞搏曰：屬氣虛有熱。武之望曰：血虛氣滯，余未知其說孰是。然竊以事物之理推之，凡果實成熟期至而自落矣，其間又有過期而不落者，此猶懷胎之過期而不產歟。夫果實何故久留而不落乎？懷胎何以過期而不產乎？此皆常與變之分耳。唯其臨產貴母氣充足，故常宜服活血補氣劑。今又舉虞武二氏之方，以備參攷。

虞搏云：過期不產者，屬氣虛有熱。四物湯加阿膠、白朮、黃芩、縮砂、香附、炒黑艾、葉糯米主之。

武之望云：過月不產者，四物湯加香附、杏仁、枳殼、縮砂、紫蘇，用此補血行滯。

○妊娠頓仆失踞胎動第四

妊娠因頓仆失踞，胎動不安者，須先與砂糖湯而施，按腹第五六之術，以安胎。其若胎動轉上，搶心短氣昏悶，或腰腹疼痛，有所見者，大阿膠湯和榮湯、蟹爪湯之類，宜擇用。若下血多者，必致半產，宜速隨臨產治法施藥。

大阿膠湯 三因方云治妊娠不問月數淺深因頓仆胎動不安腰腹痛或胎奔上刺心短氣上

當歸 中 芍藥 中 地黃 中 阿膠

艾葉 上 乾薑 中炒 川芎 中 甘草 下

右八味以水四合煮取二合服

和榮湯 胎動不安有所見者服之極驗

當歸 芍藥 上 桂枝 阿膠

蓮房 炙黑 甘草 各中 大棗 各下 右水煎服

觸爪湯

蟹爪 上 阿膠 上 桂枝 中 甘草 下

右水煎服

按腹術 見產論翼

○妊娠嘔吐第五

夫嘔吐之疾皆出於胃之不和是以有胃寒胃熱宿食痰飲氣攻等之異寒嘔其聲低無臭氣而喜溫脈沉遲甚者四肢清冷半附理中湯二生散熱嘔胸中煩而其聲高肌勢盛而喜冷脈數有力竹茹湯茅根湯宿食嘔臭氣不可聞心腹絞痛脈必緊驢耳飲消導飲痰飲嘔唾沫稠粘心中懊懣或咳嗽高良姜湯旋覆半夏湯氣嘔則其人生平

多妬或婢妾朝夕所為不愜已意或費思乎活計而膈間常不平者致胸滿膈痛是也四聖散加減七氣湯其他宜與惡阻條旁參互攷焉

半附理中湯 治胃中虛冷嘔吐不止

半夏^上 附子 人參 白朮 乾姜^{各中} 甘草^下

右以水一盞半煎至一盞溫服

二生湯 治嘔吐不止及藥入咽即吐逆者

生附子 生半夏^{各二} 生姜^{十片} 木香^少

右以水一盞半煎至一盞溫服

竹筴湯 見傷寒啓微^上 茅根湯 見傷寒啓微^下

驢耳飲 治飲食停滯嘔吐腹痛或眩暈頭痛者

枇杷葉^上 半夏^上 吳茱萸^下 桂枝^下 莢木^中

木香^下 檳榔^中 右生姜三片水煎服

消導飲 諸飲食所傷此方悉能治之

香附 砂仁 神麴 麥芽 山查子

乾姜 蘭草^{各中} 木香^下 半夏^上

右生姜三片水煎溫服

高良薑湯 見傷寒啓微^下

旋覆半夏湯

治痰飲在胸膈嘔不止心下痞硬者

旋覆花

半夏各上茯苓

青皮各中

右水煎溫服

加減七氣湯見惡阻

四聖飲

治氣攻嘔吐諸藥不効者

藿香

良姜

陳皮

枳木

各等分

右四味每服三錢熱湯浸去滓用此方五雲子所傳云

予常諸藥方中藿香皆以蘭草換之功力殊優說見青囊瑣探宜參看

○妊娠小便不利第六

婦人妊娠不得溺飲食如故煩熱不得臥而倚息者古名之轉胞曰胞系了戾所致腎氣丸主之唯胞系了戾說未穩獨陳無擇云妊娠胎滿逼胞胞者乃謂尿管也故小便不利此說甚妙予常以補中益氣湯臨服入韭菜汁一小酒杯服訖施開閉術奏奇効或與開脬煎葵子散澤瀉散之類施整胎術亦可腎氣丸

地黃上

山茱萸

薯蕷

各中澤瀉

茯苓

牡丹皮

中之

桂枝

附子

各下

右八味末之蜜丸梧子大酒下十五丸今作湯用之甚驗
補中益氣湯見諸方書故不載錄

開閉術

令患者橫臥床間醫以患者兩脚膝灣架於肩上將患者
下身虛空提起搖擺數四俾尿管倒上徐徐放下患者去
衣不及小便箭射而出出孫東宿醫按予依此法屢奏効

開脬煎周定治妊娠小便不通

石韋去毛 茯苓 車前子 冬葵子 各等分

每服五錢水二盞煎至一盞服

冬葵子散濟陰綱目治孕婦轉胞小便不通男子亦效

冬葵子 山梔子 滑石上之 木通中

右水煎溫服外以冬葵子山梔子滑石為末田螺肉搗
膏或生葱汁調膏貼臍中立通

澤瀉湯周新定方治妊娠小便不利神効

澤瀉 木通 茯苓 枳殼 桑白皮

檳榔 葵子 瞿麥等分

右生姜三兩水煎服

整胎術見產論翼

○妊娠浮腫第七

妊娠兩脚腫者先賢謂之子氣或名脫脚或呼皺脚亦通身腫滿者名曰胎水曰胎腫曰子腫凡為婦四五月以後兩脚微腫者十居其六七蓋以胎漸長脾氣失運行膀胱錯氣化而不能通暢津液因致脚腫木通散防已散雙全散宜擇用其最輕者雖不藥產後自消散若面目浮腫者全生白朮散分心氣飲腰脚腫者腎氣丸通身腫滿小便赤澁不大便者宜澤瀉散尚大便不通兼用龍飛丸以知為度又有腫滿之稍盛妊中不得消往往延產後而加甚

者治法見產後宜參攷焉若夫遍身洪腫甚者動輒子殭于腹中而產母亦殆可不畏哉又有一種挾濕毒而腫滿者此症初必有身發瘡疥或陰門瘙痒等候詳詢之果然宜用龍膽瀉肝湯

木通散

治妊娠有水氣兩腿手足浮腫

木通

香附子

陳皮

烏藥

木瓜

紫蘊

各等分

甘草

減半

右每服五錢生薑三片水煎溫服

防已散

治脾虛遍身浮腫腹脹喘促小便不利

防己 三錢 桑白皮 炒

紫蘆莖葉

茯苓 各五分

木香 二分

右生姜水煎温服

雙全散

証治大還

角婦四肢腫宜護胎調養

當歸

白木

蒼木

防風

木通

茯苓

豬苓

桂枝

各中

甘草

小

右水煎服

全生白木散

女科撮要

治妊娠面目虛浮四肢腫如水氣名曰

胎腫

石頑云此方較澹寮五皮湯稍善中間惟白木易桑皮而功用懸殊點鐵成金手也

白木

上

生姜皮

陳皮

大腹皮

茯苓

各

右各為末

每服二錢米飲下

中

分心氣飲局治一切氣不化胸膈痞悶身面虛脹

木通

芍藥

肉桂

茯苓

桑白皮

腹皮

半夏

陳皮

青皮

甘草

羌活

各中

紫蘆

上

每服三錢水一盞

生姜三片棗二枚燈心五莖同煎至七分服

腎氣丸加車前子牛膝亦可方見前

澤瀉散 婦人良方 治妊娠遍身浮腫、上氣喘急、大便不通、小便

赤澁

澤瀉 桑白炒 木通 枳殼 麩炒 檳榔

茯苓 各五分

右生薑水煎 ○按證治大還、加紫蘇莖葉

龍飛丸 見傷寒啓微下 龍膽瀉肝湯 見梅癘新書

○妊娠腹內鍾鳴第八

孕婦腹內鍾鳴者、先哲以為小兒在腹中哭者、乃以鼠窟土麝香末、溫酒調服、或與黃連濃煎汁、夫兒之在腹中胞

衣裹胎、堅固縝密、無有針眼罅隙、豈有揚聲之理乎、子玄先生既撥其說、而為大便燥結、氣逆而鳴者、余亦屢驗此症、妊娠五六月以前、腹中鳴者、率皆屬疝瘕、六七月以後者、高處聳身取物、胎為之失其所據、腹內胎際作空隙、而成聲也、與癥疝累積、而空氣成蛙聲者、正同、宜施按腹術數遍、更令婦匍匐而行房內、一兩次、胎復于本位、而愈、至於醫學正傳、謂以兒脫所舍之臍帶、故哭妄誕極甚、

○半產第九

子玄先生常有病、家自行墮胎、藥不能產、而來請者、固辭、

而不往，蓋其意一則憎其不仁，一則恐我道之混。隨胎家也是以其証候不詳載焉。余嘗謂其不仁實可憎，而彼亦不得已而為之。若不為治，則或致非命之死者，亦可愍，不得不隨其請而往救之。凡寡婦室女及貧家多產而無力育之，輒至三四月就市中，嫗婆行墮胎，挫藥法者，如天受壯實者，則不延醫師，不語親戚，乃偷產而恬然。若在稟賦怯弱，或大病後正氣未復者，則往往殞命矣。其証候惡寒戰慄如灌水，雖蒙重被尚鼓顫不止，須臾反煩熱如灼。雖寒天欲得涼風，或腰腹疼痛乍來乍止，其來也如刺如

割如絞如啣而流汗如雨，呻吟不已。或又渴好熱湯而陰門下瘀液臭汁，雖症有輕重，太抵不外於此。宜用救生湯益母飲之類，胎已下後，牛膝散行瘀煎等並佳。若壯婦則大黃牡丹湯，若穢物頓下，疲勞尤甚，血熱熾盛，口舌乾燥而脈細數者，甚殆宜用大劑還元煎。若誤用破血之劑，則禍不旋踵，謹之戒之。

一貧民妻姙娠方五月，就市中媪行白牡丹術，胎已下後，血熱熾盛，口舌乾燥，渴好熱湯，飲食不進，既而昏冒，不省人事，命如風前燈，求治于予。脈之細數無力，產尸下。

穢汁臭氣不堪聞予乃與還元煎日三四貼五日而神爽二十餘日而全愈

救生湯

當歸 川芎 牛膝 桂枝 各上 炒乾姜

人參 各中

右水酒各一盞煎一盞溫服或水煎另與溫酒半盞許亦可

益母飲

益母草 上 人參 中 白朮 中 炒薑 中 黃芪 上

炙甘草 下 當歸 上

右以水一盞半煎一盞溫服

牛膝散 見產後血暈

大黃牡丹湯

大黃 中 牡丹皮 上 桃仁 上 瓜子 大 芒硝 下

右以水二盞煎一盞去滓內芒硝再煎服之

桂枝茯苓當歸湯

桂枝 茯苓 牡丹 桃仁 芍藥

當歸 各等分

右以水一盞半煎一盞温服

還元煎 周定 治小產後元氣困弱危極者應驗如神可秘

艾葉 阿膠 各上 白朮 人參 炒黑乾姜 各中

炙甘草 下 水一盞半煎七分去滓入童子小便半盞

再温頓服 此方男婦大血崩下後精神困憊危峻者用之返元氣於無何有之鄉妙劑也

○妊娠淋疾第十

孕而患淋疾者其婦本有濕熱而受孕故下焦之運化失常度而隨胎漸長更釀成鬱熱也龍膽瀉肝湯地層大黃湯葵子蜀黍湯米苡湯之類令小便通利則濕熱自去而

愈

龍膽瀉肝湯 見徽癘新書

地層大黃湯 品小 療妊娠患子淋

地層子 上 大黃 知母 黃芩 茯苓

芍藥 木通 升麻 枳實 各中 甘草 下

右每服四錢水一盞半煎一盞温服 周按大全良友茯苓作猪苓

葵子蜀黍湯 家方 療子淋小便澁痛又用男子奇効

冬葵子 蜀黍 木通 滑石 各等分

右每服四錢水一盞半煎一盞温服

朱改湯 種子編本無方名周定 治子淋小便短澀

車前子 麥門冬 當歸 川芎 木通

滑石 各五分 細辛 甘草 各三分

燈心一彈水煎服。○周按：大全補遺安榮散，即此方。無車前子、川芎，而有人參、用燈草各等分，細末，每服三錢，煎麥門冬湯調下。

○妊娠溇泄第十一

泄注如水，其色黃白，無臭氣，或水穀不化，或腹攻刺作痛，或時亦雷鳴，脉沉弱者，此寒瀉也。宜丁附理中湯，真武湯。

主之。隨証加木香、良姜、砂仁、桂枝之類。若腹痛而下利，一二行如水，却彈過響，似欲出而肛門括縮，又隱隱腹痛，須臾欲出，亦猶不出，方其出則如射，如傾，或吞酸噫腐，或溫溫欲吐，不思飲食，其脉緊弦者，傷食瀉也。宜治中湯。若渴小便不利者，胃苓湯並宜。合九物飲，或以內消散吞下。紅丸子二十粒亦可。若脾氣大虛，泄瀉久不止者，宜遽用四逆輩，加訶子、罌粟殼、烏梅肉、豆蔻之類，以兜住之。又宜將四神丸、茱萸斷下丸之類，且暮服二三錢。若久泄不止，加浮腫者，往往不出，姪中而斃，其他泄瀉，其因不一，治法

亦殊以載雜病試效略于此

丁附理中湯見傷寒啓微嘔吐門

真武湯

附子 茯苓 芍藥 生姜 白朮各上

右以水二盞煮取一盞去滓溫服加乾姜一大合最妙

治中湯局方

人參 乾姜炮 白朮各上 甘草下 青皮

陳皮各上

右以水一盞半煎一盞稍熱服

胃苓湯大全良方治脾胃傷冷水穀不分泄瀉不止

平胃散五苓散兩合者

九物飲 治諸飲食傷神効

神麩炒 麥芽 山查 香附 青皮

乾姜炮 木香 厚朴 檳榔各等分

生薑水煎或合諸主方或為丸散兼用亦佳

內消散 治凡尋常飲食諸傷皆効

香附 砂仁 陳皮 半夏 茯苓

神曲 山查 莪朮 三稜 乾薑

枳實 各等分

右以水二盞煎一盞服

紅丸子 見前惡阻門

四神丸

破故紙十錢 肉豆蔻五錢 吳茱萸浸炒二錢 五味子五錢

右為末生薑二十錢大棗二十五個煮熟取棗肉去皮

和丸如桐子大每服一二錢空心木米飲下

茱萸斷下丸 治藏府虛寒腹痛泄瀉大効

吳茱萸十錢 赤石脂各七錢 艾葉炒

縮砂仁 肉豆蔻 熟附子 各五錢

為末麪糊丸每服二三錢米飲送下○此方不惟懷妊

凡久瀉不止用理中之湯丸參附及諸止瀉之劑不効

者用此尤神効今舉一案於後以示同志

新石街里正某妻年三十許日溏泄六七日既五閱月尚

不愈醫與參苓白朮散附子理中湯四逆湯等並不効

形肉羸脫不能起床既在死法中友人橘尚賢勸余診

之氣口脉沉細稍有神乃以茱萸斷下丸料作湯每服

下四神丸五十粒用之六七日瀉利減其半十餘日而

大便始見糞調理五十餘日而平復

○妊娠痢疾第十二

凡妊娠痢疾三四十行已上者已六七日而不差動輒致
墮胎非救之於早則不啻殞胎母命亦殆矣世醫拘有胎
直用和平之劑遲緩延日疾勢轉劇往往致子母兩斃豈
不悼哉凡痢疾初起二三日臍下小腹纏擾撮痛裏急後
重頻欲登圜及去而所下無多既起而腹內復急不問白
涕膿血赤白雜下紫黑褐色黃汁豆汁之異不論天賦之
肥瘦強弱又不拘白為寒赤為熱之說其纏擾撮痛裏急

後重者皆是腸間濕熱鬱滯之所致也及胃氣未損元氣
未虧不可不行滯氣下濕毒也宜用五味蕩滯飲若嘔者
加半夏或用黃芩加半夏生薑湯並且吞下四寶丸十二
粒晚吞下龍飛丸三十粒後一二日微利數十行中有快
下一二行者此即藥有驗之兆也若未見其驗者以七味
蕩滯飲增加前丸各五六粒尚不快利則與八味蕩滯飲
龍飛丸加至五十粒數日後痢數減半丸數亦減三分之
一若見虛候則宜益榮蕩滯飲逆挽湯之類若初挾外邪
惡寒發熱頭痛者先與葛根湯五六貼而後依前治法矣

凡痢疾在五六日間施前項治法則百發百中應効如桴鼓雖然無裏急後重腹痛亦甚輕或病日夕淹延見虛候者育腸煎益榮蕩滯飲桂附理中湯大斷下圓如神丸之類隨証擇用又有膿血痢初誤治而數日不差以黃連厚朴湯兼下檳榔九而安者治妊婦痢疾之法拘拘於有胎而勿畏疎滌之劑經云有故無損不可不察也

五味蕩滯飲 治痢疾初發二三日不問赤白無表證者
當歸 芍藥 厚朴 檳榔 甘草
右以水二合煮取一合溫服○或加黃芩亦可

七味蕩滯飲 用前方腹痛後重者此方主之

枳實 七分 木香 五分 當歸 厚朴 芍藥
檳榔 七分 甘草 三分 照前水煎

八味蕩滯飲 治下痢膿血裏急後重腹痛日夜無度
即七味蕩滯飲加大黃六分

四寶丹 此方治痢神藥與龍飛丸旦暮兼用無不應
驗

丁子 一錢 胡黃連 三錢 巴豆霜 一錢
右三味為細末老米飯搗爛為丸如蘿蔔子大每旦服

十二粒不知漸加至二十粒小兒五六粒

育腸煎 治虛弱患痢

人參三錢 白朮二錢 芍藥炒一錢 神麴炒七分

升麻五分 蒼朮一錢 茯苓二錢 桂枝一錢

右作一服水煎後重加木香三分檳榔七分黃連七分

澤瀉六分炙甘草五分防風一錢酒當歸一錢滑石炒

五分

益榮蕩滯飲家方 治痢疾歷雜治數日不差氣血虛者

當歸 川芎 芍藥 地黃 大黃

人參 白朮 茯苓 黃芪 桂枝各等分

甘草減半

右以水二合煮取一合去滓溫服

逆挽湯 治一二日微熱泄瀉數十行而滯血裏急後

重

蒼朮 肉桂 生薑各一錢 茯苓 乾薑各八分

枳殼 人參各六分 甘草二分

右水煎裏急後重甚者加檳榔木香倍乾姜風証多者

加酒製芍藥倍肉桂

葛根湯

治痢疾初起發熱惡寒頭痛脉浮數者

葛根 六分 麻黃 三分 生姜 四分 桂枝 三分

甘草 一分 芍藥 三分 大棗 二分

右以水二合煮取一合去滓溫服宜服日夜三四貼

桂附理中湯

人參 白朮 炒 乾姜 炒 肉桂 附子 各等分

甘草 炙減半

每服七錢以水四合煮取二合去滓溫服

大斷下圓 治截府停寒腸胃虛弱腹痛泄瀉全不思

食

附子 炮去皮一兩 細辛 七錢 良薑 一兩 肉豆蔻 一兩 麩

訶子 煨去核一兩 乾薑 炮一兩 龍骨 一兩 赤石脂 一兩 研

牡蠣 火煨一兩 白礬 一兩 酸石榴皮 一兩 米醋浸一宿 取出炙令焦黃

右件為細末酸煮糊和圓如梧桐子大每服三十圓溫

米飲下食前

如神丸 治赤白痢疾及泄瀉不止諸藥不効者

阿片 一錢 黃蘗 黃連 本香 麵粉 各五分

沉香 乳香 各三分

右七味細末打米糊丸一粒重一分辰砂為衣

黃連厚朴湯 療妊娠腹痛下痢膿血不止

黃連八分厚朴製阿膠當歸各六分

艾葉黃蘗各四分乾姜五分

右為細末空心米飲調下方寸匙日三服又水煎服

蘘蒜丸 療妊娠臍下刺痛大便白晝夜三五十行

黃蘗厚者蜜煮令焦大蒜煨令熟爛去皮

右以黃蘗為末研蒜作膏為元如梧子大空心粥飲下

三十元日三服妙周按產論青陽丸即此方無大蒜

○臟燥第十三

婦人妊娠無故慘感悲傷淚下不止如有憑數欠者古謂之臟燥即以甘麥大棗湯主之若心中虛悸煩悶氣逆者宜用淡竹筍湯兼用震靈散尤妙

甘麥大棗湯方見產論

淡竹筍湯

淡竹筍上麥門冬小麥茯苓半夏各

甘草生薑大棗各下

右八味以水二合煮取一合溫服若心虛驚悸甚者加

人參以安定精神

震靈散

茯苓十錢 辰砂五錢

右極細末每服七八分白湯調下

○妊娠數隨胎第十四

有婦人孕三四月或八九月頻隨胎蓋夫妻一精氣清冷則兩精交暢雖已成胎以其不純粹不能持期月而輒墮矣譬諸移果樹於瘠地雖能結實竟不熟而皆落也余所知三兩家懷孕八月而隨胎者皆六七產而產前後無有

他故此等証皆是由心脾二經不足所致也後遇此症博索方於前哲書籍適用孫父垣補天手飲數月得月足而產好兒初學者宜試之矣又黃耆散白朮圓山藥丸加味四物湯千金保胎湯等隨症可擇用凡小產雖獨係婦人怯弱亦有男子精氣清冷而不能保胎者則求嗣者宜夫妻俱服藥餌也如婦人有癥瘕蓄於害娠者須祛逐之宜大黃茯苓丸牛膝散應効丹之類

補天手飲 治懷胎不能養胎數月而隨胎

酸棗仁 遠志 茯神各一錢 白朮二錢 甘草五分

當歸 枸杞子 芍藥各一分 生地黃八分

艾絮二分 龍眼肉五枚

右十一味以水四合煮取二合去滓溫服

黃耆散 療婦人懷胎數落而不結實或冷或熱百病

之源

人參 黃芪 甘草炙 白朮 川芎

地黃 當歸 乾薑 吳茱萸各等分

右搗散清酒服一匙半日再服加至兩匙為劑

白朮圓古今錄驗 療姙娠養胎

白朮 川芎各四分 阿膠 地黃 當歸各一兩

牡蛎二分 川椒三分

右為末煉蜜為圓如梧桐子大空心米飲吞三四十圓

酒醋湯亦可

山藥丸簡便方 治頻慣墮胎三四月即墮者

杜仲湯八兩浸透炒 續斷二兩酒焙乾

右末以山藥五兩為末作糊丸空心米湯下

加味四物湯胎產須知 治胎氣不固常小產者

四物湯加炒阿膠炒黑香附白朮黃芩砂仁糯米

千金保胎湯 玄珠 治氣血不足每至三四月而墮

人參 杜仲 白朮 黃芪 歸身

白芍 阿膠 續斷 砂仁 甘草

糯米 五十粒

右製水煎食遠服 如肚疼加艾葉香附

大黃茯苓丸 治有癥瘕害妊娠者

大黃 茯苓 桂枝 芍藥 桃仁

牡丹皮 各等分

右六味細末煉蜜和丸如兔屎大每日食前服一丸不



知加至三九

應効丹 治血塊在小腹者

乾漆 牡丹皮 大黃 莪木

右細末醋糊丸如梧子大温酒吞二三十圓

○妊娠心腹腰背痛第十五

胎前產後心痛用川棟苗香炒各三錢鹽炒艾葉錢半水

煎服之神効

茯苓厚朴湯 治妊娠卒心痛氣欲絕

當歸 川芎 茯苓 厚朴 製各等分

每服一錢以水三合煮取一合以延胡索末一錢和調
頓服

白朮湯 治妊娠卒心痛欲死不可忍者

白朮 五錢 芍藥 四錢 黃芩 二錢

右以水六合煮取二合半分三服半日令盡

當歸芍藥散 治妊娠腹中絞痛心下急痛及療產後血

暈內虛氣乏崩中久痢

芍藥 四錢 當歸 白朮 各二錢 澤瀉 茯苓 川芎 各一錢

右為末每服二錢食前溫酒調服

茱萸當歸湯 治冷氣忽中心腹痛如刀刺

當歸 吳茱萸 人參 川芎 茯苓 桔梗 各三錢

芍藥 厚朴 各二錢

每服五錢以水二合煎取一合溫服氣下即安

草豆蔻散 治妊娠心腹常痛喫食減少四肢不和全不

入食

草豆蔻 橘皮 地黃 白朮 各五錢 川芎 三錢二分

當歸 炒 桂枝 乾姜 木香 各二錢半

右為末每服四錢水一盞棗二枚煎至六分熱服

當歸散

治妊娠中惡心腹疔痛

當歸

丁香

川芎

各三

青皮

二

吳茱萸

炒

一

右為細末

無時温酒調一錢

杜仲散

療妊娠腰痛不可忍或連胯痛

杜仲

四

阿膠

灸

防風

狗脊

川芎

芍藥

細辛

五加皮

葶藶

各三

杏仁

炒

一

右每服五錢

以水二合煮取一合去滓温服

秘方鹿角散

治妊娠腰痛如折不能轉側

鹿角

酒浸燒

三次

為末

每一錢

温酒調下

又縮砂炒末

温酒下亦妙

紫蘓飲

治妊娠背痛者是氣滯也

方見胸滿

補中益氣湯加續斷杜仲

治妊娠腰腹背痛因勞傷損

動痛不止多動胎氣者

八珍湯加阿膠艾葉黃芪

腰痛甚者腎虛極也其胎必

墮急與此方

已上二方見諸方書今不載錄

阿膠散

治妊娠胎動腹中疔痛不思飲食

白朮

茯苓

川芎

阿膠

各三

當歸

炒

陳皮

各三

甘草

一分

右每服三錢

水一椀姜三片棗一箇煎至七分服

○妊婦誤服毒藥傷動胎氣第十六

奪命圓 治婦人小產下血至多子死腹中其人增寒手

指唇口爪甲青白面色黃黑冷汗自出或胎上搶心

茯苓 桂枝 桃仁 牡丹皮 芍藥各等分

為細末以蜜圓如彈子大每服兩圓淡醋湯嚼下

妊娠因頓仆或因毒藥胎動不安腹滿腰痛或有所下者

芎歸膠艾湯加黃芪甘草主之

產科發蒙二卷畢

醫學質驗五種產科發蒙三卷目錄

鎮帶辨第一 首頁

新定難產八因辨第二 二頁

產要第三 五頁

臨產第四 六頁

芎歸加桂湯

清心湯

安榮湯

加味芎歸湯

黑神散

妙功散

雲母散

四逆加人參湯

見龍散

產後第五 十頁

產科發蒙三卷目錄

靜儉堂

愈風散

行瘀煎

理中湯

芎歸理中湯

雙烏散

桂枝調血飲

熟料五積散

二味參蘓飲

平胃加桂枝生姜湯

內補建中湯

產後血暈第六 十九頁

聖惠牛膝散

獨行散

參熊丸

扶陽飲

清魂湯

桃花散

胞衣不下第七 二十二頁

含陽散

千金牛膝湯

脫花煎

盤珠煎

健捷散

桂芎當歸散

妙乙齋試驗方

治胞衣不下單方三首

產後顛狂第八 二十七頁

鐵砂牡蠣湯

三黃硃砂煎

抱膽丸

加味八珍湯

Blank page with vertical lines for text.

醫學質驗五種產科發蒙三卷

義集

其神陽然禁之念想計其言每紀州谷井敬英世昌

相州片倉元周深甫著門人土州源 周碩博鄉全校

相州伊達周禎子祥

○鎮帶辨第一

夫煩人之有生產天地自然之理雖無醫藥當無難矣而今往往有橫生難生者有所由來也是故古人論七因曰久坐久卧以致氣不運行血不流順胎亦沉滯不活動故令難產一也恣食厚味不知減節故致胎肥而難產二也

縱淫慾火擾於中血氣沸騰胎元漏洩或胎動小產或子
 肥白而不壽三也保胎之計切而或問卜禱神或聞適有
 產變者常懷憂懼心懸意怯因亦致難產四也少婦初產
 神氣怯弱子戶未舒展轉傾側兒不得出五也聽從愚蠢
 穩婆之言但見腹痛遽令努力以致橫生六也兒未欲生
 用力太早及兒欲出母力已乏令兒停住七也至本朝
 子玄先生則雖不盡舍其說特論鎮帶之害於生產列舉
 其弊斷然禁之余既信其言每遇妊婦丁寧告戒務禁鎮
 帶然世俗泥滯舊習疑而不信及婦亦懷恐懼而不從之

夫以鎮帶緊繫腹者實非所宜也本朝習俗及婦五月
 用鎮帶者未知昉何時筑紫風土記及東鑑等諸書皆載
 其事而上自貴勝下至細民擇其月良辰以行賀儀稱曰
 著帶者既千有餘年今欲使天下人悉禁之焉可得勝乎
 夫醫之臨疾病在察機宜貴權變是以余則不廢舊儀每
 用軟絹或軟粗布掩纏全腹唯禁緊縛而已如此則人不
 致疑阻亦當免及中疾患而不致難生此吾門之所法也
 穩婆不解事皆以為鎮帶緩則兒子肥大必令及婦緊繫
 其腹以為保護切要之第一因之榮衛失順流而致身面

浮腫或嘔吐痞塞種種證候若夫壯婦雖無甚害豈可效
之哉是以醫家宜命局家令鎮帶緊緩得中矣

○新定難產八因辨第二

子玄先生曰產育發生之大端而今用鎮帶反壅壓發生
之機乃譬之於宇下之竹預避其宇則長達石下之草根
移石則忽萌芽周以為是過當詭激之說也本朝婦人
平生所用之帶其製大抵濶六七寸或至尺有餘而以粗
布為幹裹之以絮然後隨貴賤加種種表裝其狀殆如蓐
常以之纏腰腹二三匝若以單布之鎮帶束腹者為壅壓

發生機則當先禁平生之帶耳又曰禽獸之胎角不假鎮
帶之施設人亦不異于此也云云雖是似近情切理之言
人豈可比于禽獸乎且雖禽獸不得言無難產余嚮歲見
家猪之生產先生一子而次者不能出反覆顛倒伸吟悶
亂逾宿纔產又有一猫臨產子露半身而不娩苦楚殆極
人為救之然後復生三子並皆死胎也夫人稟五常具七
情天地間最靈者也故居處不結屋室則不住冬夏不異
裘葛則不服飲饌不歷烹熟則不食况方其懷胎則不獨
鎮帶之可護胎也衣食寒暄臥起動作亦宜均適焉若不

節謹之者間致難產故貴豪家難產罕有而中人以下甚多者蓋在保護得宜與否也古來醫家皆云富貴家多難產貧賤者無之余救難產數百人貧賤者反多而富貴家甚少此吾說之所以反于衆也夫鎮帶之事宋元以上雖無其說保產機要達生編奚囊便方等既有其說

保產機要云受胎三五月後常要緊束其身勿令胎放達生編云角已知覺即宜用布一幅六七寸濶長視人肥瘦約纏兩道橫束腰間直至臨盆之時纔解去若是試疼仍不宜解此有二妙胎未長成得此則腰膂有力些須閃挫不致動胎其一常令腹中窄狹及到解開則

腹中乍寬轉身容易

奚囊便方云凡懷妊必於四五箇月前後用軟絹或帛濶七八寸自背纏至腹以針線縫注如兜肚樣晝夜不解倘胎長大覺胸中有氣急狀方可放線三分或五分不可滿寸漸以調之則肌肉有所束縛不使胎長極大便於產也

而在本朝則古來妊娠五月皆用此帶而神聖之大統數千載不絕庶民之苗裔益繁滋則不得謂鎮帶害於生產也假令論其害於生育以去之中人以下

或可信而至王公貴人則決不能改之是以與固執難行之說抗顏費辨不若循我邦之禮以意折衷無弊也今不拘鎮帶之有無又不依古賢所論七因新錄難產八因但屬臆見俟有道之明質云

婦人天賦薄弱者受胎而輸血氣於胎因此精神漸衰憊至臨產不堪用力往往致難產一也

不論壯婦與怯婦兒子在腹中自長大是以臨產雖力息頻至不能出門戶遂子殭於腹中而不能分娩二也

受胎之初父母交暢之精氣不得滿足雖纔成胎以本有

所缺或逮臨月亦多死腹中三也

子宮口自歎側臨產雖陣痛頻來子頭向脇傍而不能出遂致露手不收四也

臨月大便燥結數日不通既而臨產燥屎填滿廣腸推壓子宮而門戶為之窄狹因致不能出五也

臨盆子頭已近人門以壅尿道雖力息纔來未免期而反多與催生湯藥膀胱為之努脹而壓胎因致不分娩六也

夏月縱取涼冬月不謹風寒並下焦受寒冷而臨產陽氣

不能振亦致難產七也

伸手高處或偶失跌仆地胎為之轉動或子宮口相戾臨

產不隨正路八也

○產要第三

懷孕七八月以後偶略曲身胎失其所或脇腹疼痛或腿

股攣痛或腰曲不能伸或水血併下惟腰不甚痛名曰

弄痛原非正產候宜施整胎術整胎術見產論翼

懷孕九月忽然腰痛或血下或水下却又不產名曰試月

非正產若腰痛甚努掙自來者致半產宜用大阿膠湯

孕婦臨月忽然腰肢拘急不能起者漸迫產期

孕婦臨月忽小便頻併數十行者亦催產氣之兆

孕婦臨月忽下水傾囊數升者亦為免身兆

大阿膠湯見頓仆失踞胎動門

○臨產第四

孕婦臨蓐子將出則臍腹急痛腰間重墜周身灼熱澀然

汗出力息頻來而兩手握拳眼中出火欲臥不能臥欲

不揚聲音不能止之產戶腫滿糞門逆急或遺尿或胞

水血俱下有此十二候而子出育門

婦人房中壯健既至臨月臍腹急痛腰間重墜者宜用芎
歸加桂湯已免身者先將清心湯安榮湯之類熱湯浸
絞去滓取獨行散一二匙攪調以與之或加味芎歸湯
兼用黑神散安神散之類亦可繼用牛膝散以下惡露
若臍腹絞痛者猶兼以獨行散二三錢若不効惡露下
少而發熱者宜行瘀煎又獨味山檀子三四錢水煎服
此亦治兒枕痛勝藥也

臨產陣痛時來時止止則直寐而鼻息鼻復忽陣痛來呻

吟俗呼曰溼摸栗穀失脈沉緩而不數者切不可令其扶坐努力

有此候者率皆不遽分娩矣須坐臥任意也此以母氣
未振子宮未開故也宜與救生加附子湯

臨產移時不能分娩則在產室中者不宜咕囁耳語也婦
人聞之則生疑懼因令氣宇結滯而害乎產也產訖則
不可高聲喧鬧恐婦人由是驚動或妨熟寐則血氣不
能收而發血暈矣二者不可不戒也

臨產陣痛頻頻來將分娩却不產數次後陣痛止而不來
惟腰間重墜臍腹微痛者醫須先探宮以候兒若兒頭
皮膜未破者雖至五六日為非死胎與盤珠煎脫花煎

醫學集驗
之類以竢其自然可也勿妄以手法催生若皮膜已破
產宮下臭液惟臍下攣痛其痛不注糞門者多死胎也
以回生術救之

臨產陣痛來甚往來三四次兒頭已至產門二三日尚不
下惟力息微微來脉沈緩不數者因陽氣虛餒也宜救
生湯兼以雲母散温酒調服若手足微冷者附子理中
湯四逆加人參湯之類選而用之并兼用見龍散可也
芎歸加桂湯 將產腹痛者用此神效

當歸

川芎

桂枝 各等分

右剉每服四錢水酒各一盞半煮取半温服若嘔者加
半夏生姜此方妙在水酒各半煎

清心湯

凡婦人諸般雜病及胎前產後諸疾悉能治

証 之世人以此方為血暈之妙劑又治金瘡打撲損傷等

萍蓬根十五 大黃八 當歸 川芎 芍藥

乾地黄 黃芩 黃連 沉香各六 人參

檳榔子 木香 細辛 桂枝 丁子

炙甘草各四

右藥除丁子沉香肉桂木香在外不炒餘藥合為一劑
用好酒一杯將藥潤濕入鍋內炒至黃色為度取起攤
地上候冷入前四味每三四錢以麻沸湯浸須臾絞去
滓服再以滓以水一杯半煮取一杯溫服

安榮湯 治血暈妙方

萍蓬根酒炒 人參 白朮 當歸 川芎

黃芩 黃連 桂枝 木香各一分 甘草三分

右十味細剉每服三錢麻沸湯浸絞取汁服

獨行散 治瘀血腹痛及血迷神昏後方見產

加味芎歸湯 產後最為穩當功亦鉅

荆芥酒炒 當歸 一兩 川芎五錢 桂枝二錢

右四味水煎酒對服○陳飛霞曰俟胞衣已下隨即服
之永無血暈之患效經千百斷不悞人

○周按集驗良方云治產後血暈不省人事提起頭髮
坐定不可眠倒急以燒紅炭投入陳醋內對鼻孔薰之
自甦另用當歸六錢 川芎三錢 荆芥穗炒黑 水煎臨服入好
酒童便和服神效

黑神散 治產後血暈眼花頭旋起坐不得或瘀血不

盡上逆耳鳴或惡寒戰慄呻吟昏憤者及兒枕痛等証
此方治產後血迷之妙劑也

火麻

五月五日取苗洗淨無灰好酒浸一時許土器中燒存性

右為末產訖服一錢則無血暈之患本邦婦人產訖

必以麻皮縛頭髮手腕又縮以懸頸蓋取其能收血也

妙功散

治產後血暈頭目昏眩安神鎮心之妙劑

茯苓二錢

遠志各一人參

桔梗各五錢

辰砂一錢

山藥

木香各五分甘草一分

右為細末每服一錢白湯送下

虛人宜此方實人宜獨行散

牛膝散

行瘀煎

並見血暈

救生湯

見半產

脫花煎

盤珠飲

見胞衣不下

附子理中湯

見痢疾

雲母散

良方救療產難經日不生及胞衣不下

雲母粉五錢温酒調服入口當產不順者即產萬不失

陸氏方云是何德揚方云已救三五十八却用雲母粉澄過研細取一團如雞子大臨用以无灰酒調下

四逆加人參湯

甘草

二兩

附子

一枚生去皮破八片

乾薑

一兩

人參

一兩

右四味以水三升煮取一升二合去滓分温再服更加

當歸桂枝數錢功更捷

見龍散 治難產及胞衣不下者神驗

雲母^上 百草霜^上 白芷^中 烏龍尾^中 麝香^下

右為細末每服一二錢温酒送下海蘿湯亦可

○產後第五

產訖遽呼吸促迫者難治此證率皆眼睛無神而言語清
輕然太抵過一霎時必發煩躁或交牙而死其死期已
迫鼻中必清涕流出

凡產後詳小腹痛與不痛軟與硬可知惡露之多寡痛與
硬者惡露多反之者否又詳大便通與不通可知津液

之乾潤大便通者津液足反之者否又詳乳汁飲食多
少可知胃氣之充餒多者胃氣充反之者否宜先審此
三者更參考脉證以施治法

產後忽然口噤手足搐搦角弓反張或曰怒氣發熱迷悶
者將愈風散用水酒童便各半盞煎一盞灌之若牙關
緊者以曲頭管灌之仍捻其鼻使得下喉即活矣

見六卷

愈風散 治產後中風不省人事口噤牙緊手足癱瘓
如角弓狀口吐涎沫亦治血暈四肢強直或築心眼倒

吐瀉欲死

荆芥穗酒炒至黑

當歸身尾各三錢

右為末每服三錢豆淋酒及童子小便調下其效如神凡生子肥盛壯實者產後惡露下自少生子羸瘦虛弱者惡露下必多

產時下血多者產後惡露少視其惡露少妄與破血之駁劑者謬矣

產後以血下之多津液自乏法當大便五六日而來若過之不通小腹硬滿脉沉有力者為有胃熱宜急與龍飛

九二三十粒導大便以救津液若小腹硬痛者有瘀血宜行瘀煎若產後一二日而大便下利者胃中虛冷也宜理中湯之類

行瘀煎周新定治產後血暈惡露不下及兒枕痛神效

接骨木上 紅花 當歸 芍藥 桂枝

山查子 桃仁各中 川芎 蘇木 甘草各下

右十味水煎溫服○此方不特治產後惡露不下凡瘀血結滯成諸疾者用之神效方中接骨木能通瘀血山查子消滯血妙在此二品

理中湯

人參 白朮 乾薑炒黑 甘草炙各等分

右照常水煎

產後惡露有六七日而止者，又有至十餘日者，蓋以其人瘀血有多寡也。當用尋常調血之劑，若及踰月淋漓不止者，宜膠艾四物湯。惜紅煎若不效者，雲垂煎去竹茹，加栝葉、蒲黃各五分，佐以雙烏散，食空白湯送下。此止血之勝藥也。

膠艾湯 惜紅煎 並見崩漏 雲垂煎 見傷寒 啓微下

產後疲勞甚者，及產前患下利，而產後有熱者，俱宜用芎歸理中湯，尤效。但當倍加人參，用乾姜炒黑者。若惡露下多，虛憊甚，熱壯而口燥者，將還元煎煎成，臨服加童子小便一小杯，兼以雙烏散，屢試屢效。

產後婦人不涉深虛，在蓐中血熱不去者，桂枝調血飲，夾外邪者，熟料五積散。若壯婦而不大便，熱盛者，大黃牡丹湯，或三黃熟艾湯，隨証加減而用之。

芎歸理中湯

即理中湯加川芎當歸

還元煎 見半產

雙鳥散

蓮房灰

棕櫚灰

各等分

右二味燒存性極細末白湯點服

挂枝調血飲

治產後氣血虛損脾胃怯弱惡露不行

致心腹疼痛發熱惡寒自汗口乾頭暈眼花等者

挂枝

當歸

川芎

芍藥

白朮

茯苓

陳皮

香附

丹皮

乾薑

炒

益母草 各等分

甘草

減半

每服四錢水煎溫服

大黃牡丹湯 見半產

熟料五積散

陳飛霞曰此方專治婦人產後外感內

傷瘀血不行痰凝氣滯頭身痛惡寒發熱心腹疼痛寒

熱往來似瘧非瘧小腹脹滿傷風欬嗽嘔吐痰水不思

飲食胸膈氣急手足搐搦狀類中風四肢酸疼渾身麻

痺凡產後一切無名怪證並皆治之

夫產後百節俱開氣血兩敗外則腠理不密易感風寒內

則藏府空虛易傷飲食稍有不慎諸証叢生古書有產

後以大補氣血為主，雜病以末治之之戒。後世莫不遵之，惟事滋補，不知風寒未去，食飲未消，滋補一投，反成大害。昧者猶以為藥力未到，愈補愈深，死而後已。天下之通弊，莫此為甚。予昔於潭州遇師，指授此方，按法治之，往輒裕如，不敢自秘，逢人口授，併刊板印，送於茲四十餘載，活人莫可勝紀。但慮世人不悟，以為淺近之方，安能神應？若是故，古人謂千金易得一訣，難求予今訣，破庶狐疑頓釋。方名五積者，謂此方能去寒積、血積、氣積、痰積、食積也。今產後之病，怯正犯此五積，以五積之

証投五積之方，豈非藥病相值乎？猶慮藥味辛散，而以醋水拌炒，名熟料五積散，俾藥性和緩，表而不發，消而不攻。方內所用肉桂解表逐寒，白芍和榮諧衛，蒼木厚朴走陽明而散滿，陳皮半夏疎逆氣以除痰，芎藭薑芷入血分而祛寒濕，枳殼桔梗寬胸膈而利咽喉，茯苓去飲寧心，甘草和中補土。大虛大怯者，加人參微虛者，可不用，共為溫中散寒之妙劑，用於產後無往非宜。

白芷 二錢 肉桂 一錢 此二味不必炒 厚樸 川芎 半夏

枳殼 炒蒼木 茯苓 白芍 炮姜

陳皮 炙甘草已上各一錢 當歸二錢 虛加人參一錢

右藥味皆宜秤過除白芷肉桂在外不炒餘藥合為一劑用好醋小半杯淨水一杯與醋和勻將藥潤濕入鍋內炒至黃色為度取起攤地上去火毒候冷入白芷肉桂在內生姜三片紅棗三枚淨水二碗煎至一碗熱服此方至平穩見效之後依而服之不拘劑數以愈為度惟產後大汗泄瀉或虛脫之證忌之蓋此方但能去病不能補虛

三黃熟艾湯

見傷寒啓微下

產後二三日小腹有大塊如盤以手按之則遷移者不得一概謂瘀血雖不下血塊者過五六日則必自消蓋此氣塊而已當用尋常產後治法若七日以上依然不消者宜察其虛實用破血之劑

產後六七日惡露已快下仍腰肢攣急或疼痛者不可一槩為殘疾而治焉往往有挾疝而然者余於此証用加味通氣湯每每奏奇效枕方見門 婦已產則蒸蒸身熱胸中築動呼吸短息澱然汗出猶平人勞動奔走呼吸不接也此際特可懼者脫血一証

也若發此證則必致卒亡矣預防之法宜用冷水一小盞點黑神散一匙以與之血熱得清冷而胸中開豁浮散之陽歸源而神氣清快實免產後暴血之神丹也不知者以為寒涼傷胃也然分娩用力甚五內擾亂身熱如燬投之以一盞冷水者如火旱霖霖自咽喉入胃中之際化為溫湯故無有後患然不可再與之矣夫冷水澁血勝于諸藥故婦人月信過多時飲一盞則須臾血自止可以證也雖然易產如達者宜斟酌矣

產論云產婦分娩後切無用產椅當倚褥高枕而右側臥

也云云後學宜遵之檢俗習矣予又有一口訣凡臨產用力過多而纔娩者須先與冷水一小盞乃命坐婆手握綿絮緊閉育門使婦匍匐移褥跪坐手尚不可放令一人緊抱婦半時許待氣息虛里稍定而後高枕褥臥則無有血迷崩血患也

俗習禁產後熟寐若寐則看守者數呼其名不應則不止甚不可夫熟寐則血氣流暢能歸源易收也但宜使一人在傍常聞其呼吸呼吸平夷則竢自覺來而可也若呼吸促迫或目竄視則急呼起而可與藥也

產訖有暈嘔吐者此由臨產之時坐婆強與食也與理中湯加半夏生姜

難產力息數來而陣痛不來由此產母疲倦二三日猶不分媿則死胎也醫為救之免者宜先與當歸理中湯還元煎之類若從產後三日無拘虛實必用折衝飲之說變証立至謹之戒之

產後口鼻見黑色而衄者胃氣虛憊而血滯也宜二味參蘓飲

二味參蘓飲

人參一錢 蘓木二錢

右以水一盞半煮取一盞溫服

產後面赤嘔逆欲死者名曰衝肺以二味參蘓飲加芒硝一錢若敗血衝心煩悶者難十救一

產後煩悶嘔惡腹滿腹痛者名為衝胃平胃加桂枝生姜湯主之

平胃加桂枝生姜湯

蒼木 厚朴 陳皮 桂枝 生薑各等分 甘草減半

右照常水煎

產後腹滿不減歷數日漸漸復舊者此為常候若產訖腹
遷縮小者必屬虛家不可不察

產訖世俗皆以麻線緊紮婦之頭髮而云防血暈此雖俗
習亦有據千金方曰產後心悶眼不得開即當頂上取
髮如兩指大強以人牽眼即開即此意也

產後二三日邦俗以糯糝味噌汁煮食之予少以為出于
愚婦臆見者昨偶讀五雜俎曰稍有水旱二種又有林
田其性黏軟故謂之糯米食之令人筋緩多睡其性糯
也作酒之外產婦宜食之因知俗習有所原出矣

產後三四朝有忽發寒熱者謂之蒸乳寒熱止後乳汁大
行此蓋胃氣所浮化也若無寒熱脈虛數而乳汁絕不
出者此榮衛不調急宜與內補當歸建中湯否則彌月
後漸漸發寒熱而成蓐勞

內補建中湯 此藥令人氣血壯健

當歸 桂枝 各中芍藥 炙甘草 下

右每四錢姜三片棗二枚煎去渣入飴糖一塊再煎一
沸溫服

○產後血暈第六

產後發血暈此其婦素有積聚由產而動乃與瘀血相搏
 惡露不下遂逆上湊心因致昏悶焉宜先以淬醋炭令
 聞其氣繼以清心湯行瘀煎牛膝散之類兼服獨行散
 熊參丸等又一法治心下硬滿神昏口噤不省人事者
 將礪砂石灰各等分水和勻盛器透鼻孔令聞其氣則
 醒此本蠻人之方即與用炭醋意同若惡露下多而暈
 者病人低頭昏悶煩亂而心下不硬滿此為虛暈還元
 煎扶陽飲清魂湯宜選用或兼用愈風散桃花散震靈
 散妙功散之類

凡胞衣不下而發血暈者從于產論所論宜先施禁暈之
 術施之暈猶不止面目唇口無血色手足微冷譫語者
 難治若面目唇口紅活而脈未至微細者急與扶陽飲
 兼用雲母散乃當下其胞衣其下胞衣之法已至于近
 產門則安之不可急取下焉若急取下則氣血脫泄而
 禍不旋踵謹之戒之

聖惠牛膝散 治產後血迷及兒枕痛

- 牛膝 一兩
- 桂枝 一兩
- 赤芍 一兩
- 當歸 炒
- 木香
- 牡丹皮 一兩
- 川芎 一兩
- 延胡索 各半
- 枳仁 三分
- 麩 炒

右剉每服四錢水煎溫服按產論折衝飲即此方去木香加紅花也

獨行散婦人良方治產後血暈昏迷不省衝心悶絕

五靈脂半生半炒二兩

右為末溫酒調下二錢口噤者拗開口灌之入喉即愈

周口不須拗開口即用曲頭管吹入則落喉○曲頭管圖見後

元周按衛生方名立應散證治準繩名五靈脂散但炒

令烟盡研末用治婦人血崩及男子脾積氣兼能解毒

及蛇蟻蜈蚣咬塗傷處立愈一方每服三錢水酒童便

各半盞煎至八分通口服名抽刀散治產後有病服三

服散惡血或心腹脇肋脚痛不可忍者或止用童子小便佳

參熊丸

熊膽真者味苦有香氣而不腥解之無一點之查滓燒之為灰其色灰白色而平夷偽者亦味苦有腥氣

不香解之有查滓燒之則作泡高起其色黑而不為灰 人參各二

右細末打米糊丸梧桐子大每服六七丸白湯下

扶陽飲

當歸

川芎

桂枝

乾姜

炒

附子熟

人參各一

右七味以水二合煮取一合温服

清魂湯 治產後血暈昏不知人

澤蘭葉 上 人參 上去芦 荆芥穗 炒上 甘草 中 川芎 下

右五味每服四錢水煎温服 本為散用子湯屢驗

桃花散 此治血暈之神藥也

烏賊魚骨 十錢 硃砂 二錢

右為末每服一二錢白湯送下

清心湯 見臨產 行瘀煎 見產後 雲母散 見臨產

還元煎 見半產 愈風散 見產後 震靈散 見臍噪

妙功散 見臨產

○胞衣不下第七

產後胞衣不下為之致斃者予常愍然以為非命之死也若夫產科熟練之醫於分娩之迅速救療之則莫有胞衣不下之理矣媿後未經數時則陰中滋潤子宮不收口是以手術易施藥餌亦有效但其施術之法功效最速而非筆力之可形容焉因舉羅浮山人集驗方所載下法於後頃由是潛心覃思或當冰融焉雖歷一二日不下者胞衣在近門戶一二寸者猶可療也若胞衣在高黏着子宮底

不離且子宮已收口則不能遽下之此証間有肚腹堅滿觸之痛甚手不可近者以千金牛膝湯脫花煎之類兼進含陽散若虛者盤珠煎加人參二三錢此皆百死中求一活之法也若夫歷四五日戰慄發熱一日二三度作或煩渴汗出或譫語煩躁或飲食不進或喉中有痰聲者必死集驗方云產下如胞衣不來先將嬰孩抱定不可斷臍帶周云當斷臍帶而施術假令斷之易害于子母耶用一伶俐老成女眷將右手二指緊跟臍帶而上帶盡處將指向上半寸餘摸之覺有血便是胞衣逆轉盛血在內不得下即以指連胞衣

向下下捺其血覆其衣自隨而下法甚簡明每見孕婦衣不下多服藥或用吐法甚至以足柱腹者易至喪命小必至于成病不知衣之不下正為嬰孩出門臍帶一扯衣必逆轉向上汚血淋下盡入衣中以致衣漸滿大不能出夫豈藥力之所能與哉故特書之以免此患往歲一貧家婦產後數月經血不止已用膠艾四物溫經等湯毫末無効予將黃連解毒湯兼用獨味蓮房灰日二三錢不日而奏全效一日婦謂予曰妾至于今凡八產其初產再產則傭穩婆而託之其後懷胎至五月則

以帛自纏腹已至彌月稍覺腰腹攣痛則設草與故絮於屋隅乃就竈下燃釜沸湯而待生下若陣痛頻來則趨坐于草上而拏力已分娩則厲聲呼隣家婦東都貧民所居之屋大抵一棟而分數家隔壁一層以成隣而與俱浴兒自收拾穢物胞衣訖乃倚被而坐焉過二三日則與平常無異矣如此者總六產曾不請媪婆其間偶胞衣不下者半日因自啣頭髮使油氣入咽温温欲吐而衣即下云此雖出於愚婦一時之智實與薛新甫蔣示吉等有啣頭髮尾作嘔而胞衣自下之法暗相合矣予亦用此法凡遇壯婦之

胎衣不下者則常以鷄翎或紙撚探其咽中令其惡心而取效甚多如怯弱婦容易勿施

含陽散 家方 治胞衣不下神效

蝮蛇 燒存性 雲母 鹿角 燒存性 麝香 二分

右細末每服一二錢海蘿湯攪調頓服

千金牛膝湯 治產兒胞衣不出令胞爛

牛膝 瞿麥 各一兩 當歸 通草 各一兩

滑石 二兩一方用 葵子 半升

右六味以水九升煮取三升分三服周按羅浮山集驗方用

牛膝瞿麥當歸木通葵子各一錢滑石赤小豆各二錢命曰經驗難產奪命方

脫花煎景岳全書凡生產臨盆此方最佳並治難產經日不下

並死胎胞衣不下俱妙

當歸一錢 川芎三錢 桂枝二錢 牛膝二錢 車前子五分

水煎加酒對服若胎死不下及胞衣不來併加芒硝五

錢氣虛困劇者加人參二三錢更加附子二錢無不下

者此方以平胃散加芒硝功勝百倍以其藥味甘溫不

傷元氣故也

盤珠煎家方治難產經日不下並死胎及胞衣不下

當歸一錢 川芎二錢 桂枝一錢 牛膝各二錢 附子一錢

水煎先飲溫酒一盞尋服此藥虛甚者加人參二三錢

健捷散秘方治難產經日及胞衣不下又尋常經閉兒枕

痛等服此其效如神

香白芷 乾薑 桂枝 雲母各等分

右四味細末每服二三錢海蘿湯攪和勻頓服

桂芎當歸散 治胞衣不下

當歸 川芎 芍藥 地黃 桂枝各二錢

牛膝五分

右六味生薑水煎温服

治胞衣不下屢試驗妙子編

芒硝三錢 牛膝 當歸各五錢

右三味水酒煎服

一方 治胞衣不下 茄子陰乾為末白湯送下

又方 酸漿實熟紅者壓而陰乾 右細末每服一枚許海蘿湯

下

治難產經日不下及胞衣不出者神效方太永醫話

取烏鴉左翅全者十二枚燒研末每服一錢海蘿湯送

下即時出

下谷頭踏街一武士室女年十九歲天性伶俐父母鍾愛

太甚而女偶與一奴通而娠事已發覺而奴先見追後

父母竊相議謂令其施白牡丹術則恐害乎性命遂決

令偷生因令稱病而不令逢於人迫其媿身兒子生地

吼聲達四鄰女慮其聲外聞隕家聲驚畏而發血暈醒

後胞衣不下百藥不效既歷九日而邀余余便往坐堂

上則女自房內步出而求診余心竊疑胞衣不下數日

而行步如常乃望之面色青慘唇舌無血色問之臍帶

三日而腐脫惟微微下黃汁而已逝之則臭氣撲鼻切其脉沈勁候其腹縮小獨臍下微滿堅硬如石余乃欲按其腹以下胞衣居然不移蓋以子宮已收其口復本位也因進大劑脫花煎加芒硝二貼其夕下血片一甌許然其家以余術之無捷效又延醫求藥腐穢漸漸下歷累月而得盡矣唯形體羸瘦飲食不成肌膚遂為廢人者一年有半然後氣體漸復十又餘月而始得為完人矣余嘗治胞衣不下者以百數其踰七八日而尚不出者率皆見發熱譫語等証而不救焉嗟乎此女有天

稟所寔而然者歟豈不亦奇哉

○產後顛狂第八

產後顛狂言語錯亂神思不安如有鬼祟者人皆以為敗血衝心也按其人本有鬱怒釀成癥瘕因產藏府擾亂遂動其宿癥與瘀血相併奔驕而侵心神者也宜與鐵砂牡蠣湯三黃硃砂煎之類兼用抱膽丸極效若屬血虛者加味八珍湯兼服妙功散震靈散之類若瘀血一滴不下者行瘀煎大黃牡丹湯并可

鐵砂牡蠣湯

治由鬱怒心神不寧言語錯亂似有鬼

崇者^上

鐵砂^上

柴胡^上

大黃^中

牡蠣^中

茯苓^中

桂枝^中

甘草^{各下}

右七味水煎溫服

三黃硃砂煎

黃連

黃芩

大黃

各等分

每服二錢水煎臨服入朱砂一錢攪勻服

抱膽丸

水銀二兩

黑鉛

一兩

硃砂

一兩

乳香

一兩

右將黑鉛入銚內火鎔開下水銀攪結成砂子下硃砂

乳香衆熱用柳木槌研勻丸如雞頭實大每服一丸空

心薄荷湯下得睡勿驚覺覺來即安周按產論鎮九丸即此方而去乳香

一味

加味八珍湯

產後顛狂乃血虛神不守舍不補養元

氣則不可此方主之

人參

白朮

茯苓

甘草

當歸

川芎

芍藥

熟地

遠志

茯神

各二錢

右判加薑棗水煎服

妙功散

治產後心神顛倒、語言錯亂、如見鬼神。方見臨產

震靈散

行瘀煎。見產後 太黃牡丹湯。見半產

產科族蒙三卷畢



